

東北古史資料叢編

孫進己 艾生武
孫海 孫泓
編

第二卷
兩晉—隋



孫進己 艾生武 編
孫海孫泓

東北古史資料叢編

(第二卷)
兩晉—隋

遼瀋書社

51586

東北古史資料叢編(二)

兩晉——隋卷

Dongbei Gushi Ziliao Congbian

孫進己 艾生武 孫海 孫泓 編

遼瀋書社出版 新華書店總店北京發行所發行
(瀋陽市南京街6段1里2號) 邗江古籍印刷廠印刷

字數: 330千字 開本: 850×1168 1/32 印張: 15.5
印數: 1—2000

1989年8月第1版

1989年8月第1次印刷

責任編輯: 郭守信 王 申 版式設計: 周光培
封面設計: 馮永謙 責任校對: 李彥新

ISBN 7—80507—018—0/K·5

定價: 5.70元

東北古史資料叢編第二卷(兩晉——隋)

目 錄

第一篇

晉書·····	一
王隱晉書·····	四七
孫盛晉陽秋·····	四八
劉道蒼晉起居注·····	四九
西晉文紀·····	四九
劉越石集·····	五〇
搜神記·····	五三
搜神後記·····	五三

拾遺記.....五三

第二篇

十六國春秋輯補.....五五
三十國春秋.....二四

第三篇

宋書.....一九
南齊書.....二五
梁書.....二九
陳書.....三五
南史.....三七
宋文紀.....四四
梁文紀.....四四

梁元帝集	一四五
邱司空集	一四六
江醴陵集	一四六
劉中庶集	一四七
吳朝清集	一四八
陳後主集	一四九
徐僕射集	一四九
江令君集	一五〇
高僧傳	一五〇
續高僧傳	一五一
宋高僧集	一五二

第四篇

魏書	一五三
北齊書	一五五

周書……………二〇九

後周文紀……………二二四

顏氏家訓……………二二五

庾開府集……………二二六

王司空集……………二三〇

第五篇

北史……………三三二


第六篇

隋書……………二六九

隋文紀……………三〇一

隋煬帝集……………三〇三

盧武陽集……………三〇四



薛司隸集.....	三〇六
文中子.....	三〇六

第七篇

資治通鑑.....	三〇七
-----------	-----

第八篇

冊府元龜.....	三九九
太平御覽.....	四一九

第九篇

三國史記.....	四二一
-----------	-----

第十篇

好大王碑·····	四六九
幽林州刺史慕容鎮墓誌·····	四七二
高麗大兄冉牟墓誌·····	四七六
北魏營州刺史元景石窰記·····	四八〇
韓貞造像記·····	四八二
漢魏南北朝墓誌集釋·····	四八四



第一篇

晉書

唐太宗等撰

〔中華書局點校本〕

【晉書卷二·文帝紀】

景元三年（二六二）夏四月，肅慎來獻楛矢、石磐、弓、甲、貂皮等，天子命歸於大將軍府。四年（二六三）……冬十月，天子以諸侯獻捷交至，乃申前命（加司馬師晉公九錫）曰：「……仁風興於中夏，流澤布於遐荒，是以東夷、西戎、南蠻、北狄，狂狡貪悍，世爲寇讎者，皆感義懷惠，款塞內附，或委命納貢，或求置官司。九服之外，絕域之氓，曠世所希至者，咸浮海來享，鼓舞王德，前後至者八百七十餘萬口。海隅幽裔，無思不服，雖西旅遠貢，越裳九譯，義無以踰。……」司空鄭冲率群官勸進曰：「是以時俗畏懷，東夷獻舞。……令大魏之德，光于唐、

虞，明公盛勳，超於桓、文。……何必勤勤小讓也哉！」帝乃受命。

【晉書卷三·武帝紀】

泰始十年（二七四）……二月，分幽州五郡置平州。

咸寧二年（二七六）……二月，東夷八國歸化。

三年（二七七）……是歲，西北雜虜及鮮卑、匈奴、五溪蠻夷、東夷三國前後十餘輩，各帥種人部落內附。

四年（二七八）……三月，……辛酉……東夷六國來獻。是歲，東夷九國內附。

五年（二七九）……十二月，……肅慎來獻楛矢、石磐。

太康二年（二八一）……三月，……東夷五國朝獻。夏六月，東夷五國內附。……冬十月，鮮卑慕容廆寇昌黎。

三年（二八二）三月，安北將軍嚴詢敗鮮卑慕容廆於昌黎，殺傷數萬人。秋七月，罷平州、寧州刺史三年一入奏事。九月，東夷二十九國歸化，獻其方物。

七年（二八六）夏五月，……鮮卑慕容廆寇遼東。八月，東夷十一國內附。

八年（二八七）……八月，東夷二國內附。

九年（二八八）……九月，東夷七國詣校尉內附。

十年（二八九）……五月，鮮卑慕容廆來降，東夷十一國內附。……是歲，東夷絕遠三十餘

國……來獻。

大熙元年（二九〇）……二月辛丑，東夷七國朝貢。

【晉書卷四·惠帝紀】

永平元年（二九一）……是歲，東夷十七國、南夷二十四部並詣校尉內附。

【晉書卷六·元帝紀】

建武元年（三一七）六月丙寅，并州刺史、廣武侯劉琨，幽州刺史、左賢王、渤海公段匹磾，領護烏丸校尉、鎮北將軍劉翰，單于、廣甯公段辰，遼西公段眷，冀州刺史、祝阿子邵續，青州刺史、廣驍侯曹嶷，兗州刺史、定襄侯劉演，東夷校尉崔毖，鮮卑大都督慕容廆等一百八十人上書勸進。

太興二年（三一九）……八月，肅慎獻楛矢、石弩。……十二月……鮮卑慕容廆襲遼東，東夷校尉、平州刺史崔毖奔高句驪。

三年（三二〇），……三月，慕容廆奉送玉璽三紐。

四年（三二一）……十二月，以慕容廆爲持節、都督幽、平二州東夷諸軍事、平州牧，封遼東郡公。

【晉書卷六·成帝紀】

咸和六年（三三一）二月己丑，以幽州刺史、大單于段遼爲驃騎將軍。

咸康二年（三三六）……二月，庚申，高句驪遣使貢方物。

四年（三三八）春二月，石季龍帥衆七萬，擊段遼于遼西，遼奔于平岡。夏四月，……石季

龍爲慕容皝所敗，癸丑，加皝征北大將軍。

七年（三四一）春二月己卯，慕容皝遣使求假燕王章璽，許之。

【晉書卷七·康帝紀】

建元元年（三四三）……六月，石季龍帥衆伐慕容皝，皝大敗之。

十二月，高句驪遣使朝獻。

二年（三四四）二月，慕容皝及鮮卑帥宇文歸戰于昌黎，歸衆大敗奔于漠北。

【晉書卷八·穆帝紀】

永和三年（三四七）五月戊申，進慕容皝爲安北將軍。

五年（三四九）夏四月，假慕容皝大將軍、幽平二州牧、大單于、燕王。

【晉書卷九·簡文帝紀】

咸安二年（三七二）春正月辛丑，百濟、林邑王各遣使貢方物。二月，苻堅伐慕容桓於遼東，滅之。……六月，遣使拜百濟王餘句爲鎮東將軍，領樂浪太守。

【晉書卷九·孝武帝紀】

太元七年（三八二）……九月，東夷五國遣使來貢方物。

【晉書卷十·安帝紀】

隆安二年（三九八）夏五月，蘭汗弑慕容寶而自稱大將軍、昌黎王。秋七月，慕容寶子盛斬

蘭汗，僭稱長樂王，攝天子位。

義熙三年（四〇七）是歲，高雲、馮跋殺慕容熙，雲僭即帝位。

五年（四〇九）……九月戊辰，離班弑高雲，雲將馮跋攻班，殺之。跋僭即王位，仍號燕。九年（四一三）……是歲，高句麗、倭國及西南夷銅頭大師並獻方物。

【晉書卷十四·地理志上】

幽州，按《禹貢》冀州之域。舜置十二牧，則其一也。《周禮》：「東北曰幽州」。《春秋》元命包《云》：「箕星散爲幽州，分爲燕國，言北方太陰，故以幽冥爲號」。武王定殷，封召公於燕，其後與六國俱稱王。及秦滅燕，以爲漁陽、上谷、右北平、遼西、遼東五郡。漢高帝分上谷置涿郡。武帝置十三州，幽州依舊名不改。其後開東邊，置玄菟、樂浪等郡，亦皆屬焉。元鳳元年（前八〇），改燕曰廣陽郡。幽州所部凡九郡，至晉不改。幽州統郡國七，縣三十四，戶五萬九千二十。

范陽國，漢置涿郡，魏文更名范陽郡。武帝置國，封宣帝弟子綏爲王。統縣八，戶一萬二千。涿、良鄉、方城、長

鄉、道、故安、范陽、容城侯相

燕國，漢置，孝昭改爲廣陽郡。統縣十，戶二萬九千。薊、安次侯相、昌平、軍都有關、廣陽、潞、安國國

相、蜀主劉禪封此縣公。泉州侯相、雍奴、狐奴

北平郡，秦置，統縣四，戶五千。徐無、土垠、俊靡、無終

上谷郡，秦置，郡在谷之上頭，故因名焉。統縣二，戶四千七十。沮陽、居庸

廣寧郡故屬上谷，太康中置郡，都尉治，統縣三，戶三千九百五十。下洛 潘 涿鹿

代郡秦置，統縣四，戶三千四百。代 廣昌 平舒 富城

遼西郡秦置。統縣三，戶二千八百。陽樂 肥如 海陽

惠帝之後，幽州沒於石勒。及穆帝永和五年（三四九）慕容儁僭號於薊，是爲前燕。七年（三五二）皁移都於鄴。皁死，子皁爲符堅所滅。堅敗，地復入慕容垂，是爲後燕。垂死，寶遷於和龍。

平州：按《禹貢》冀州之域。於周爲幽州界。漢屬右北平郡。後漢末，公孫度自號平州牧。及其子康、康子文懿，並擅據遼東，東夷九種皆服事焉。魏置東夷校尉，居襄平，而分遼東、昌黎、玄菟、帶方、樂浪五郡爲平州，後還合爲幽州。及文懿滅後，有護東夷校尉，居襄平。咸寧二年（二七六）十月，分昌黎、遼東、玄菟、帶方、樂浪等郡國五置平州，統縣二十六，戶一萬六千一百。

昌黎郡漢屬遼東屬國都尉。魏置郡。統縣二，戶九百昌黎 賓徒

遼東國秦立爲郡。漢光武以遼東等屬青州，後還幽州。統縣八，戶五千四百，襄平東夷校尉所居。汶 居就 樂

就 安市 西安平 新昌 力城

樂浪郡漢置。統縣六，戶三千七百。朝鮮 周封箕子地。屯有 渾彌 遂城秦築長城之所起。鏤方 駟望

玄菟郡漢置。統縣三，戶三千二百，高句麗 望平 高顯

帶方郡公孫度置。統縣七，戶四千九百。帶方 列口 南新 長岑 提奚 含資 海冥

平州初置，以慕容廆爲刺史，遂屬。永嘉之亂，廆爲衆所推。及其孫儁，移都于薊。其後慕容

容垂子寶又遷於和龍，自幽州至於鹽澤鎮以南地入於魏。慕容熙以幽州刺史鎮令支，青州刺史鎮新城，并州刺史鎮凡城，營州刺史鎮宿軍，冀州刺史鎮肥如。高雲以幽、冀二州牧鎮肥如，并州刺史鎮白狼，後爲馮跋所篡。跋僭號於和龍，是爲後燕，卒滅於魏。

【晉書卷三十六·衛瓘傳】

泰始初（二六五），瓘轉征東將軍，進爵爲公，都督青州諸軍事、青州刺史，加征東大將軍、青州牧。所在皆有政績。除征北大將軍、都督幽州諸軍事、幽州刺史、護烏桓校尉。至鎮，褒立平州，後兼督之，於時幽、并東有務桓，西有力微，並爲邊害。瓘離間二虜，遂致嫌隙，於是務桓降而力微以憂死。

【晉書卷三十六·張華傳】

（武帝）乃出華爲持節、都督幽州諸軍事、領護烏桓校尉、安北將軍，撫納新舊，戎夏懷之，東夷、馬韓、新彌諸國，依山帶海，去州四千餘里，歷世未附者二十餘國，並遣使朝獻，於是遠夷賓服，四境無虞，頻歲豐稔，士馬彊盛。

【晉書卷五十六·孫楚傳】

文帝遣苻劭、孫郁使吳，將軍石苞令楚作書遺孫皓曰：「……昔公孫氏承藉父兄，世居東裔，擁帶燕、胡，憑陵險遠，講武游盤，不供職貢，內傲帝命，外通南國，乘桴滄海，交酬貨賄，葛越布于朔上，貂馬廷于吳、會。自以控弦十萬奔走之力，信能右折燕、齊，左震扶桑，輒

轅沙漠，南面稱王。宣王薄伐，猛銳長驅，師次遼陽，而城地不安，抱鼓慙鳴而元凶折首。於是遠近疆場，列郡大荒，收離聚散，大安其居，衆庶悅服，殊俗款附，自茲以降，九野清泰，東夷獻其樂器，肅慎貢其楛矢，曠世不羈，應化而至，巍巍蕩蕩，想所具聞也。……」

【晉書卷九十七·四夷傳·夫餘國】

夫餘國，在玄菟北千餘里，南接鮮卑，北有弱水，地方二千里，戶八萬。有城邑、宮室，地宜五穀。其人強勇，會同揖讓之儀有似中國，其出使，乃衣錦闕，以金銀飾腰。其法：殺人者死，沒入其家；盜者，一責十二；男女淫，婦人妬，皆殺之。若有軍事，殺牛祭天，以其蹄占吉凶，蹄解者爲凶，合者爲吉。死者以生人殉葬，有椁無棺。其居喪，男女皆衣純白，婦人著布面衣，去玉珮。出善馬及貂豹、美珠，珠大如酸棗。其國殷富，自先世以來，未嘗被破。其王印又稱「穢王之印」。國中有古穢城，本穢貊之城也。武帝時，頻來朝貢。至太康六年（二八五），爲慕容廆所襲破，其王依慮自殺，子弟走保沃沮。帝爲下詔曰：「夫餘王世守忠孝，爲惡虜所滅，甚愍念之。若其遺類足以復國者，當爲之方計，使得存立。」有司奏：「護東夷校尉鮮于嬰不救夫餘，失於機略。」詔免嬰，以何龕代之。明年（二八六），夫餘後王依羅遣詣龕，求率見人還復舊國，仍請援。龕上列，遣督郵賈沉以兵送之。廆又要之於路，沉與戰，大敗之；廆衆退，羅得復國。爾後，每爲廆掠其種人賣於中國，帝愍之，又發詔以官物贖還，下司、冀二州，禁市夫餘之口。

【晉書卷九十七·四夷傳·韓】